


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-15	Al-Hijr	99	6	Makkiyyah	Ke-54	5



Zaman Diturunkan

Ia diturunkan sekitar tahun ke-11 dan 12 Kenabian, ketika itu tuduhan gila kepada Rasulullah s.a.w. tersebar dengan meluas dan penentangan pihak musyrikin Mekah juga sangat kuat. Pemimpin-pemimpin Quraisy mengatakan Nabi Muhammad s.a.w. yang diturunkan الذكر (Qur'an) kepadanya gila (Ayat: 6).

وَقَالُوا يَا أَيُّهَا الَّذِي نُزِّلَ عَلَيْهِ الذِّكْرُ إِنَّكَ لَمَجْنُونٌ ﴿٦﴾

Pemimpin-pemimpin Quraisy yang memperolok-olok dan mempermain-mainkan Rasulullah s.a.w. dan orang-orang yang beriman diancam dengan kebinasaan seperti yang telah berlaku kepada kaum Luth, Ashaabul Aikah dan Ashaabul Hijr. Di dalam Surah al-Hijr juga terdapat تسليّة berita gembira dan pujukan kepada Rasulullah s.a.w. bahawa dalam masa beberapa tahun sahaja lagi pemimpin-pemimpin Quraisy yang sombong itu akan menyesali perbuatan mereka dan mereka nanti akan berkata: “Alangkah baiknya kalau mereka dahulu Islam”. (Ayat: 2).

رُبَّمَا يَوَدُّ الَّذِينَ كَفَرُوا لَوْ كَانُوا مُسْلِمِينَ ﴿٢﴾

Ramalan yang diberikan telah menjadi kenyataan pada tahun ke-2 Hijrah di mana pemimpin-pemimpin besar Quraisy telah dibinasakan dalam peperangan Badar, ia juga telah menjadi kenyataan pada tahun ke-8 Hijrah di mana berlakunya pembukaan Mekah.

Kebanyakan kandungan Surah al-Hijr turun selepas Surah Ibrahim iaitu pada bahagian empat dan terakhir kehidupan Rasulullah s.a.w. di Mekah, sekitar tahun 11 hingga 13 Kenabian. Sesetengah ayatnya pula besar kemungkinan diturunkan lebih awal iaitu ketika perisytiharan umum agama Islam diberikan, seperti ayat (Ayat: 94).

فَأَصْدَعْ بِمَا تُؤْمَرُ

Perkaitan Surah Al-Hijr Dengan Surah Sebelum Dan Selepasnya

1. Di dalam Surah Ibrahim sebelum ini gambaran آيَاتِ اللَّهِ telahpun diberikan secara kasar dan umum, di dalam Surah al-Hijr ini pengikut-pengikut setia Iblis yang terkutuk terdiri daripada pemimpin-pemimpin dan pembesar-pembesar Quraisy yang selalu memperolok-olokkan perjuangan Rasulullah s.a.w. difahamkan dan diberitahu bahawa mereka juga mungkin ditimpa azab dan dibinasakan seperti kaum Luth, Ashaabul Aikah dan Ashaabul Hijr kerana mendustakan rasul-rasul yang diutuskan kepada mereka.
2. Di dalam Surah an-Nahl selepas ini dibuat perbandingan di antara pimpinan Quraisy yang durjana dan pimpinan Rasulullah serta para sahabat yang shaleh. Di akhir kedua-dua surah dinyatakan adab dan

disiplin da'wah dan tabligh di samping diberikan berita gembira dan bimbingan kepada orang-orang Islam.

Beberapa Kata Kunci Dan Tema Utama Surah

1. Empat perkara disebutkan di dalam Surah al-Hijr berhubung dengan kebinasaan bangsa-bangsa.

(a) Ia mempunyai waktu dan tempoh tertentu, apabila sampai أَجَلٌ (masanya) bangsa-bangsa berkenaan tidak lagi diberi peluang. (Ayat: 4-5).

وَمَا أَهْلَكْنَا مِنْ قَرْيَةٍ إِلَّا وَلَهَا كِتَابٌ مَّعْلُومٌ ﴿٥﴾ مَا تَسْبِقُ مِنْ أُمَّةٍ أَجَلَهَا وَمَا يَسْتَسْخِرُونَ ﴿٤﴾

(b) 2,500 tahun sebelum Masihi, Ashaabul Hijr (kaum Tsamud) telah mendustakan rasul mereka. Mereka telah dimusnahkan oleh Allah dengan satu tempikan kuat yang luar biasa, pada ketika itu hasil usaha dan harta benda mereka tidak berguna apa-apa untuk mereka. (Ayat: 83-84).

فَخَذَتْهُمُ الصَّيْحَةُ مُضْجِينَ ﴿٨٤﴾ فَمَا أَغْنَى عَنْهُمْ مَا كَانُوا يَكْسِبُونَ ﴿٨٣﴾

(c) 2,100 tahun sebelum Masihi, kaum Luth telah dibinasakan, mereka adalah golongan homoseksual, negeri mereka diterbalikkan Allah dan mereka dihujani dengan hujan batu dan api. Al-Qur'an menyebutkan bahawa pada peristiwa yang berlaku itu terdapat pengajaran kepada orang-orang yang berakal (Ayat: 75).

فَجَعَلْنَا عَلَيْهِمَا سَافِلًا وَأَمْطَرْنَا عَلَيْهِمْ حِجَارَةً مِنْ سِجِّيلٍ ﴿٧٥﴾ إِنَّ فِي ذَلِكَ لَآيَاتٍ لِّلْمُتَوَسِّمِينَ ﴿٧٦﴾

(d) Pada 1,400 tahun sebelum Masihi, Ashaabul Aikah (kaum Nabi Syu'aib) telah dibinasakan, mereka adalah satu kaum yang zalim, Allah telah menghukum mereka (Ayat: 78-79).

وَإِنْ كَانَ أَصْحَابُ الْأَيْكَةِ لَظَالِمِينَ ﴿٧٩﴾ فَانْتَقَمْنَا مِنْهُمْ وَإِنَّهُمَا لَبِإِمَامٍ مُّبِينٍ ﴿٧٨﴾

2. Di dalam Surah al-Hijr diterangkan bahawa al-Qur'an bukan kalam orang gila sebaliknya ia adalah satu kitab yang dapat dibaca dengan terang dan ia juga merupakan mu'jizat yang hidup.

(a) (Ayat: 1).

الرَّيْلِكَ آيَاتُ الْكِتَابِ وَقُرْآنٍ مُبِينٍ ﴿١﴾

(b) Kepada orang-orang yang memperolok-olokkan al-Qur'an dikatakan dengan jelas bahawa tuhan yang mencipta alam semesta yang menurunkan الذكر (al-Qur'an) itulah yang akan menjaganya, ia bukan percakapan orang gila yang akan hilang dan lenyap dengan mudah saja. (Ayat: 9).

إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ ﴿٩﴾

3. Di dalam Surah al-Hijr ini juga Rasulullah s.a.w. dipujuk dan dihiburkan (تسليية) dengan dikatakan

bahawa engkau bukan rasul yang pertama telah diperolok-olok dan dipermain-mainkan oleh umatnya bahkan rasul-rasul terdahulu juga telah diperolok-olok dan dipermain-mainkan.

(a) (Ayat: 11).

وَمَا يَأْتِيهِمْ مِنْ رَسُولٍ إِلَّا كَانُوا بِهِ يَسْتَهْزِءُونَ ﴿١١﴾

(b) Rasulullah s.a.w. ditenangkan, bahawa Allah sahaja sudah cukup untuk membela dan melindungimu daripada orang-orang yang memperolok dan mempermainkanmu. (Ayat: 95).

إِنَّا كَفَيْنَاكَ الْمُسْتَهْزِئِينَ ﴿٩٥﴾

4. Perkataan مُجْرِمِينَ yang tersebut di dalam Surah al-Hijr membawa pengertian yang sangat penting. Bangsa مُجْرِم (durjana) yang memperolok-olokkan para rasul dan mengatakan Rasulullah sebagai orang gila tidak akan beriman.

(a) (Ayat: 12).

كَذَلِكَ نَسْلُكُهُ فِي قُلُوبِ الْمُجْرِمِينَ ﴿١٢﴾

(b) Para malaikat yang diutuskan untuk membawa berita gembira akan mendapat anak kepada Nabi Ibrahim juga diutuskan untuk membinasakan kaum Luth yang مُجْرِم (durjana) (Ayat: 58).

قَالُوا إِنَّا أَنْزَلْنَاهُ إِلَىٰ قَوْمٍ مُّجْرِمِينَ ﴿٥٨﴾

5. Surah al-Hijr telah memberi gambaran yang ajaib dan luar biasa tentang planet bumi apabila di dalamnya tersebut bahawa Allah telah menjadikan setiap benda di bumi dengan cukup seimbang. Setiap zarah dan unsur di bumi ditimbang dengan timbangan yang rapi (Ayat: 19).

وَالْأَرْضُ مَدَدْنَاهَا وَأَلْقَيْنَا فِيهَا رَوَاسِيَ وَأَشْبَقْنَا فِيهَا مِنْ كُلِّ شَيْءٍ مَّوْزُونٍ ﴿١٩﴾

6. Di dalamnya juga didedahkan bahawa Allah s.w.t. hanya meletakkan sejumlah kecil sahaja daripada gedung kekayaanNya yang tidak terduga banyaknya di planet bumi ini, ia juga merupakan bukti yang jelas tentang kebijaksanaan Allah. (Ayat: 21).

وَأَنْ مِنْ شَيْءٍ إِلَّا عِنْدَنَا خَزَائِنُهُ وَمَا نُنْزِلُهُ إِلَّا بِقَدَرٍ مَّعْلُومٍ ﴿٢١﴾

7. Di dalam Surah al-Hijr juga terdapat perbandingan di antara manusia غَالُونَ (terpesong yang termakan tipu daya Iblis) dengan manusia متقين (orang-orang yang menjalani kehidupan dengan penuh berhati-hati).

(a) Orang-orang yang terpesong itu mengikut Iblis, hamba-hamba yang shaleh dan taat kepada Allah pula tidak terpengaruh dengan Iblis (Ayat: 42).

إِنَّ عِبَادِي لَيْسَ لَكَ عَلَيْهِمْ سُلْطَانٌ إِلَّا مَنِ اتَّبَعَكَ مِنَ الْغَاوِينَ ﴿٣٩﴾

(b) Iblis yang biadab telah bersumpah bahawa ia akan menyesatkan semua anak Adam dan akan menghiasi dunia di mata mereka sehingga mereka akan tertarik dengannya (Ayat: 39).

قَالَ رَبِّ بِمَا أَغْوَيْتَنِي لَأُزَيِّنَنَّ لَهُمْ فِي الْأَرْضِ وَلَأُغْوِيَنَّهُمْ أَجْمَعِينَ ﴿٤٠﴾